



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1861

CCCLXIII. Bischof Friedrich von Camin bestätigt eine von dem Markgrafen Ludwig am 21. Dezember 1326 bewilligte Altarstiftung in Prenzlau, am 3. Mai 1333.

Nutzungsbedingungen

[urn:nbn:de:hbz:466:1-55721](https://nbn-resolving.org/urn:nbn:de:hbz:466:1-55721)

linarum fiduciam gerentes, toto cordis desiderio suspiramus, Sperantes, quod nobis adhuc sicut prius pinguiora beneficia promotionis impendere debeatis, pro quo vobis nostra paruitas, deuotio et humilitas bonorum temporalium condigna seruitia nequit exhibere. Sed uestra prefulgens discretio omnium nostrorum operum spiritualium participationem, que Christus Jesus dominus noster per nos et successores nostros fieri disponit, In uigiliis, in orationibus, in ieiuniis, in castigationibus et in omnibus aliis operibus, in quibus deo gratum seruitium speramus exhibere, acceptare nullatenus dedignetur, Que etiam pro omnibus uobis et affinis uestris cunctis diebus nostris puro corde deo altissimo et gloriose dei genitrici ac toti celesti curie offeremus, vos quoque recipientes in nostram fraternitatem, ut, cum dies uestri obitus nobis fuerit nunciatus, uestras exequias ueluti nostrarum confororum et confratrum in uigiliis et in aliis orationibus fideliter peragemus. Petentes vos nichilominus pio desiderio cordis cum affectu, ut hoc donum uestra benigna honestas animo recipiat letabundo, quod tanto magis rationem boni participat et magis se placitum esse probat et karitatem nostram et sollicitudinem erga uestram honestatem arguit et ostendit, quanto postulationem preueniens esse dinoscitur et uoluntarie oblatum potius quam petitum. In cuius rei testimonium presens scriptum sigillo nostri conuentus est munitum. Datum anno domini M^o CCC^o XXII^o, feria IIII. post dominicam, qua cantatur Misericordia.

Nach dem Originale des Prenzlauer Stadtarchives.

CCCLXIII. Bischof Friedrich von Camin bestätigt eine von dem Markgrafen Ludwig am 21. Dezember 1326 bewilligte Altarstiftung in Prenzlau, am 3. Mai 1333.

Fredericus, dei gracia Caminenfis ecclesie Episcopus, Ad perpetuam rei memoriam. Specialem deo famulatum impendere credimus, cum hiis, in quibus cultum diuinum augeri conspicimus, cooperamur ac Ambiguitatis materiam, que posset oriri posteris, amputantes ea, que circa huiusmodi alias fluxu temporis forent labilia, ex incumbente nobis officio perhennamus. Sane uidimus litteras illustris principis Lodewici, Marchionis Brandenburgensis, quarum tenor sequitur in his uerbis: In nomine domini Amen. Nos lodewicus, dei gracia Brandenburgensis et lusacie marchio, Palatinus Reni, Dux Bauarie, sacri Imperii Archicamerarius, Vniuersis presentes auditoris litteras vel uisuris uolumus esse notum, quod, ut cultus diuinus uerior et diffusior habeatur, dedimus et per presentes liberaliter donamus Ad instantiam Nicolai et Johannis, filiorum quondam Nicolai de Rauensten, et ad honorem domini nostri Jesu Cristi ac ipsius matris marie et in remissionem nostrorum peccaminum atque memoriam nostrorum progenitorum proprietatem plenam et omnimodam super octo talentis et duodecim solidis appositis per dictos Nicolaum et Johannem ad Altare situm in ecclesia beate Marie Ciuitatis nostre Premzlav consecratum in honorem Omnium sanctorum percipiendis et tollendis annuatim debito termino per Rectorem Altaris eiusdem in Censu mansorum adiacencium ciuitatis nostre Premzlav predictae, Jus quoque presentandi altaris eiusdem dictis Nicolao et Johanni et eorum heredibus pertinebit, ita quod ad dictum altare, dum vacauerit, presentabunt personam ydoneam sacerdotem Infra mensẽm a uacacionis tem-

pore numerandum vel talem personam, que infra Annum in sacerdotem a presentacionis tempore valeat promoueri. Deficientibus vero dictis Nicolao et Johanne ac eorum heredibus et nullo de ipsorum genere superstiti remanente, tunc ius presentandi in persona senioris de duobus senioribus Consulibus tunc existencium volumus residere ad prouidendum tali persone, sicut superius est expressum. Forma quoque officandi dictum altare talis erit: in secunda, quarta et sexta feria missa est pro defunctis legenda et memoria habenda eorum, qui clam vel palam ad dicti altaris instauracionem suas elemosinas et subsidia pia sunt largiti. Die vero dominica, tertia et quinta feria atque sabbato legenda est missa, sicut talium dierum sollempnitas requirit, nisi plebanus vel eius vices gerens missam sibi legi deposceret congruentem, tunc dicti Altaris rector ipsi plebano vel eius gerenti quoad dictos quatuor dies debet in dicendis missis omnimode obedire omni contradictione cessante. et vt premissa omnia et eorum quodlibet perpetuis temporibus incommota persistant, hanc litteram exinde confectam nostri sigilli robore dari iussimus communitum. Presentibus testibus Nobilibus viris G. VI. et Adolfo, Comitibus de Lindowe, Domino Segero, preposito in Stendal, hermanno de Redere, Thiderico de kercow, hennincho et dobizlao de Ekstedde, militibus, et hermanno de Luchowe, cum aliis fide dignis. Datum Reppin, Anno domini M^o CCCXX^o sexto, die sancti Thome Apostoli. — Cum igitur ex pastoralis nobis incumbat officio, circa talia diuino cultui applicata sollicitate prouidere, ne ad prophanos vsus redeant, et circa huiusmodi posteris tollere materiam Ambigendi, Nos prefati Altaris, vt premittitur, instauracionem, proprietatis donacionem et abdicacionem ac ordinacionem circa ius presentandi id ipsum et idem officandi ratas et gratas habentes auctoritate nostra ordinaria auctorizamus et confirmamus in nomine domini in hiis scriptis, Inhibentes sub pena Anathematis, ne in futurum potestas secularis in prefatis talentis et solidis de predicto censu mansorum tollendis quidquam sibi vendicet aut Rectorem dicti altaris, qui pro tempore fuerit, quominus integraliter dicta percipiat, presumat quomodolibet impedire, adiciendo nichilominus, vt si qui fideles deuocione accenti ad augmentum dicti altaris aliquid de bonis a deo sibi collatis apposuerint, eadem exemptione et libertate gaudere debeat cum predictis. In cuius rei testimonium sigillum nostrum presentibus est appensum. Datum Stetin, Anno domini Millefimo CCCXXX^o tercio, ipso die Inuencionis sancte crucis.

Nach dem Originale des Prenzlaue Stadtarchives.

CCCLXIV. Bischof Dieterich von Camin bestätigt Verschreibungen Johans von Stegelitz von 1299, des Rathes zu Prenzlau von 1307 und des Markgrafen Woldemar von 1319 über Altäre in der Jakobikirche zu Prenzlau, am 2. März 1336.

In nomine sancte et indiuidue Trinitatis amen. Fredericus, dei gracia Episcopus Ecclesie Caminensis, Ad perpetuam rei memoriam. Cum a nobis petitur quod iustum est, ordo iuris et vigor expostulat rationis, vt id ad effectum debitum perducamus, quod tunc eo promptius facimus, cum in hiis cultum diuinum augeri conspiciamus, que libenti animo perhennando, quantum auctoritate ordinaria possumus, confirmamus. Sane vidimus et audiuius litteras honorabilis viri